

**Kirsty Williams AC/AM**  
**Ysgrifennydd y Cabinet dros Addysg**  
**Cabinet Secretary for Education**



Llywodraeth Cymru  
Welsh Government

Ein cyf/Our ref MA-(P)-KW-4504-18

Lynne Neagle AC  
Cadeirydd  
Y Pwyllgor Plant, Pobl Ifanc ac Addysg  
SeneddCYPE@assembly.wales

cc Llyr Griffiths AC  
Cadeirydd  
Y Pwyllgor Cyllid

cc Mick Antoniw AC  
Cadeirydd  
Y Pwyllgor Materion Cyfansoddiadol a Deddfwriaethol  
SeneddFinance@assembly.wales  
SeneddCLA@assembly.wales

Cynulliad Cenedlaethol Cymru  
Tŷ Hywel  
Bae Caerdydd  
CF99 1NA

12 Rhagfyr 2018

Yn ystod gwaith craffu eich pwyllgorau ar y Bil Anghenion Dysgu Ychwanegol a'r Tribiwnlys Addysg (Cymru), gwnaed ymrwymiad i roi gwybodaeth reolaidd ar y rhaglen i drawsnewid y system Anghenion Dysgu Ychwanegol (ADY). Dyma'r pumed llythyr i roi'r wybodaeth ddiweddaraf ichi.

## 1. Deddfwriaeth a chanllawiau statudol

Yn fy niweddariad blaenorol, dywedais wrthyfch y byddai'r fersiwn nesaf o'r Cod Anghenion Dysgu Ychwanegol ("y Cod ADY") ar gael i ymgynghori arno yn nes ymlaen eleni. Felly, plaser o'r mwyaf oedd ysgrifennu atoch yn gynharach yr wythnos hon fel ymgynghorai statudol i gyhoeddi lansiad ymgynghoriad cyhoeddus ar y Cod ADY drafft o dan Ddeddf Anghenion Dysgu Ychwanegol a'r Tribiwnlys Addysg (Cymru) 2018 ("y Ddeddf"). Mae'r ymgynghoriad yn gofyn hefyd am eich barn am reoliadau drafft yn ymwneud â Thribiwnlys Addysg Cymru a Chydgyssylltwyr ADY, a'r bwriad polisi ar gyfer amryw o reoliadau arfaethedig eraill. Yn ogystal, mae'n gofyn am eich barn am ddiwygiadau arfaethedig i God

Bae Caerdydd • Cardiff Bay  
Caerdydd • Cardiff  
CF99 1NA

Canolfan Cyswllt Cyntaf / First Point of Contact Centre:  
0300 0604400

[Gohebiaeth.Kirsty.Williams@llyw.cymru](mailto:Gohebiaeth.Kirsty.Williams@llyw.cymru)  
[Correspondence.Kirsty.Williams@gov.wales](mailto:Correspondence.Kirsty.Williams@gov.wales)

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

Ymarfer Rhan 6 Deddf Gwasanaethau Cymdeithasol a Llesiant (Cymru) 2014 – Plant sy'n Derbyn Gofal a Phlant sy'n Cael eu Lletya, a luniwyd yn bennaf ar gyfer plant sy'n derbyn gofal sydd ag ADY.

Yn unol â'm llythyr blaenorol, mae'n hollbwysig eich bod yn mynegi eich barn i sicrhau bod ein cynigion yn ymarferol a theg i'r rhai sy'n gorfod cyflawni swyddogaethau o dan y fframwaith deddfwriaethol newydd, ac yn deg a chyfiawn i ddysgwyr ag ADY sydd angen y cymorth iawn i'w helpu i gyflawni eu potensial llawn.

Ym mis Ionawr 2019, cyhoeddir fersiwn i blant/pobl ifanc a fersiwn hawdd ei darllen o'r ymgynghoriad. Bydd hyn yn gyfle i blant a phobl ifanc, a'r rhai a all elwa ar fersiwn hawdd ei darllen, ymgysylltu â'r ymgynghoriad.

## **2. Cymorth gweithredu / pontio**

Ym mis Medi 2018, cyflwynodd arweinwyr trawsnewid y system ADY eu cynlluniau gweithredu rhanbarthol ac addysg bellach. Mae'r cynlluniau'n amlinellu sut mae pob rhanbarth yn helpu sector y blynyddoedd cynnar, awdurdodau lleol, byrddau iechyd a sefydliadau addysg bellach yng Nghymru i baratoi i roi'r system newydd ar waith. Mae cyllid yn cael ei ddefnyddio i gyflwyno rhaglenni hyfforddi amlasiantaethol, i greu mapiau darpariaeth ôl-16 ledled Cymru, i esbonio rôl swyddog arweiniol ADY y Blynyddoedd Cynnar, i gefnogi rôl y Swyddog Arweiniol Clinigol Dynodedig Addysg (DECLLO) ac i helpu i godi ymwybyddiaeth o'r rhaglen i drawsnewid y system ADY ymhlith rhanddeiliaid.

Cynhelir sesiynau cynnydd ac adolygu ym mis Ionawr i fonitro datblygiad pob prosiect ledled Cymru.

Rydym yn dal i gyfarfod â grŵp arwain trawsnewid y system ADY bob deufis. Mae'r grŵp yn helpu i ddatblygu a chyflwyno dulliau gweithredu yn gyson ar draws Cymru, ac mae'n hollbwysig o ran sbarduno gwaith yr arweinwyr trawsnewid a'r rhaglen drawsnewid ehangach.

## **3. Datblygu'r gweithlu**

Mae'r ymgynghoriad ar y Cod drafft yn gofyn am eich barn am y rheoliadau drafft ar Gydlynnydd ADY (yn rhan 3 o'r ddogfen ymgynghori). Y bwriad yw defnyddio'r pŵer deddfu o dan adran 60 o Ddeddf 2018 i sicrhau bod rôl y Cydlynnydd ADY yn cael ei chyflawni mewn ffordd gyson ac effeithiol ym mhob ysgol a sefydliad addysg bellach yng Nghymru ac yn cefnogi darpariaeth y system ADY ac amcanion trosfwaol Deddf 2018.

Mae rôl y Cydlynnydd ADY yn hollbwysig i lwyddiant y system ADY newydd ac rydym wedi ymrwymo i gefnogi'r gweithlu hwn trwy ddysgu proffesiynol. Mae swyddogion yn parhau i weithio gydag awdurdodau lleol a chonsortia addysg rhanbarthol i ddatblygu cynnig dysgu proffesiynol ar gyfer y Cydlynnydd ADY.

Ar hyn o bryd, mae Llywodraeth Cymru yn dyfarnu grant i Brifysgol Caerdydd sy'n talu ffioedd a bwrsariau 10 myfyriwr y flwyddyn ar ei rhaglen hyfforddi proffesiynol tair blynedd Doethuriaeth mewn Seicoleg Addysgol. Rwyf wedi penderfynu parhau â'r trefniant hwn a'i gryfhau trwy gysylltu isafswm o fwrsariau i fyfyrwyr sydd eisoes yn gweithio trwy gyfrwng y Gymraeg, neu sydd â'r potensial i wneud hynny, a thrwy annog myfyrwyr i aros a gweithio yng Nghymru yn syth ar ôl graddio.

#### 4. Codi ymwybyddiaeth

Ym mis Chwefror, byddwn yn cynnal cyfres o ddigwyddiadau i randdeiliaid ledled Cymru. Bydd pob digwyddiad yn rhoi'r newyddion diweddaraf i randdeiliaid am raglen drawsnewid y system ADY ac yn cynnwys gweithdai ar agweddau penodol ar y Cod ADY drafft. Bydd manylion y digwyddiadau ar gael maes o law.

Byddwn yn trefnu gweithdai ar gyfer plant, pobl ifanc a'u teuluoedd fel y gallan nhw fynegi eu barn am y cynigion hyn hefyd.

Yn gywir

A handwritten signature in black ink, appearing to read 'Kirsty Williams', written in a cursive style.

**Kirsty Williams AC/AM**

Ysgrifennydd y Cabinet dros Addysg  
Cabinet Secretary for Education